

四庫全書

史部

欽定四庫全書

史部

欽定續文獻通考卷五十四

編修臣 翟槐覆勘

總校官內閣中書臣 孫溶

欽定四庫全書

欽定續文獻通考卷五十四

職官考

御史臺

宋御史臺中丞一人侍御史一人殿中侍御史二人監

察御史六人

已詳馬端臨考間有未定員數今從職官志補

遼南面御史臺

太宗會同元年置

有御史大夫御史中丞侍御

又殿中司有殿中殿中丞尚舍局尚乘局尚輦局尚

食局尚衣局各有奉御

金御史臺御史大夫掌糾察朝儀彈劾官邪勘鞠官府公事凡內外刑獄所屬理斷不當有陳訴者付臺治之御史中丞貳之

又侍御史二人掌奏事判臺事治書侍御史二人掌同侍御史殿中侍御史二人每遇朝對立於龍墀之下專劾朝者儀矩凡百僚假告事具奏目進呈監察御史十二人掌糾察內外非違刷磨諸司察帳并監



祭禮及出使之事其屬典事二人架閣庫管勾一人  
檢法四人獄丞一人

世宗大定二年敕御史臺檢察六部文移稽而不行  
行而不當者皆舉劾尋又詔御史臺自三公以下官  
僚善惡邪正當審察之八年令監察御史分路刺舉  
善惡以聞尚書省具監察御史才能者疏名進呈以  
聽制俟任滿御史臺奏其能否仍視其所察公事具  
書於解由以送尚書省十九年制糾彈之官知有犯

法而不舉者減犯人一等科之闕親者許迴避二十  
一年令監察職事修舉者與遷擢不稱者大則降罰  
小則決責仍不許去官二十九年二月章宗已即位  
敕御史臺自今監察令本臺辟舉任內不稱職者亦  
從奏罷御史臺奏臺官不得與人相見蓋為親王宰  
執怙勢之家恐有私徇則無以訪知民間利病官吏  
善惡詔自今許與四品以下相見三品以上如故明  
昌四年勅自今御史臺奏事修起居注並令迴避承

安二年勅御史臺糾察謫佞趨走有實跡者泰和元年制猛安謀克並隸按察司監察御史止按劄糾舉有罪則并坐監臨之官又御史臺奏在制按察司官比任終遣官考核然後尚書省命官覆察之今監察御史添設員多宜分路巡行每路女直漢人各一人同往從之二年諭御史臺諸訴事於臺當以實聞不得輒稱察知三年詔監察等察事可二年一出又詔遣監察御史分按諸路所遣者女直人即以漢人朝

臣偕遣者漢人即以女直朝臣偕七年敕尚書省自  
今初授監察者令進利害帖子以待召見宣宗貞祐  
元年九月減定監察御史十二人二年定監察御史

黜陟格

王圻續通考載黜陟格以所察大事至五小

數內有二事不  
實者為不稱職

興定元年九月更定監察御史失察

法三年定御史上下半月勾檢省中制勅文字四年  
減監察御史四人五年更定監察御史違犯的決法  
又敕監察所彈事同列不得與聞著為令元光二年

罷行省所置監察御史兼彈之職

又所屬登聞檢院有知登聞檢院同知登聞檢院掌

奏御進告尚書省御史臺理斷不當事又有知法

女直

漢人各一人

海陵正隆二年詔尚書省凡事理不當者許

詣登聞檢院投狀院類奏覽訖付御史臺理問哀宗

正大元年詔登聞檢院毋鎖閉防護聽有冤者陳訴

又登聞鼓院有知登聞鼓院同知登聞鼓院事掌奏

進告御史臺登聞檢院理斷不當事宣宗承安二年

以諫官兼知法二人

文直漢人各一人

臣等謹按登聞鼓院雖非御史臺所屬而所掌畧

與登聞檢院同故附載之元明倣此

又按百官志有審官院

承安四年設衛紹王大安二年罷之若注擬失當令

御史臺官論列

知院一人掌奏駁除授失當事

隨朝六品外路五品

以上官除授並送本院審之補闕拾遺監察雖七品亦送本院或御批亦送稟惟部除不送同

知審院事一人又掌書四人

女直漢人各二人以御史臺終場舉人擇

充

雖暫設旋罷亦併其職於臺官特附錄焉

元御史臺掌糾察百官善惡政治得失有御史大夫中丞侍御史治書侍御史各二人

所屬經歷一人都事二人照磨一人承發管勾兼獄丞一人架閣庫管勾兼承發一人

世祖至元五年始立臺建官官七人有大夫中丞侍御史治書侍御史典事等又檢法二人獄丞一人七年改典事為都事十九年罷檢法獄丞二十七年始置經歷一人成宗大德二年令御史臺稽察樞密院

案牘仁宗皇慶元年增中丞為三人二年減一人英  
宗至治二年增大夫一人後定置官如上順帝至正  
五年以賀惟一為大夫賜名太平舊制臺非國姓不  
授故特賜蒙古名

元史張雄飛傳曰雄飛言于世祖曰古有御史臺  
為天子耳目凡政事得失民間疾苦皆得言百官  
奸邪不職者即聽糾劾如此則紀綱舉天下治矣  
帝善之



廉希憲傳曰阿哈瑪特言庶務責成各路錢穀付之轉運必繩治之事何由辦希憲曰立臺察占制內則彈劾奸邪外則察視非常訪求民瘼裨益國政事無大於此者若欲罷之必使上下專恣貪暴公行然後可耶阿哈瑪特語塞

董文用傳曰至元十六年阿里布復請行臺呈行省比內臺呈都省例詔集朝臣議之文用曰御史臺譬如卧虎雖未噬人人猶畏其為虎一旦摧抑

之則風采蕭然無復望矣伊寔特穆爾亦言其不可事遂寢

崔彧傳曰至元十九年彧言臺臣今惟御史有言臣以為臺官皆常建白又選用臺察若由中書必有偏徇合從本臺選擇御史初用漢人十六人今用蒙古十六人相參巡歷從之

又殿中司殿中侍御史二人至元五年始置凡大朝會百官班序其失儀失列則糾罰之在京百官到任

假告事故出三日不報者則糾舉之大臣入內奏事則隨以入凡不可與聞之人則糾避之

又察院監察御史三十二人司耳目之寄任刺舉之事至元五年始置御史十一人悉以漢人為之八年增置六人十九年增置一十六人始參用蒙古人為之二十二年參用南儒二人至正三年詔作新風憲在內之官有不法者監察御史劾之在外之官有不法者行臺御史劾之歲以八月終出巡四月中還司

輟耕錄曰監察御史署銜無御史臺三字以為天子耳目之官非御史大夫以下可制也行臺則不

然

登聞鼓院

至元十年立

如為人殺其父母兄弟夫婦冤無

所訴聽其來擊其或以細事唐哭者論如法

臣

等謹按元史百官志至正十七年七月置四方

獻言詳定使司掌考其所陳之言擇其善者以聞于上而舉行之詳定使副使掌書記各二人中書

官提調之雖非御史臺所屬而所掌近于諫官故亦如金之審官院附載焉

明都察院有左右都御史左右副都御史左右僉都御

史又十三道監察御史

江西浙江河南山東各十人福建廣東廣西四川貴州各七人

陝西湖廣山西各八人雲南十一人共一百十人

所屬經歷司經歷都事各一人司務廳司務二人

初設

四人後照磨所照磨檢校各一人司獄司司獄一人

草二人初設六人  
後革五人

都御史職專糾劾百司辯明冤枉提督各道為天子耳目風紀之司凡大臣奸邪小人構黨作威福亂政者劾凡百官猥葺貪冒壞官紀者劾凡學術不正上書陳言變亂成憲希進用者劾遇朝覲考察同吏部司賢否黜陟大獄重囚會鞫於外朝偕刑部大理讞平之其奉敕內地拊循外地各專其敕行事

十三道監察御史主察糾內外百司之官邪或露章面劾或封章奏劾凡差在內兩京刷卷監臨鄉會試

及武舉巡視光祿京營倉場內庫皇城五城輪值登

聞鼓

後改科員

在外巡按

北直隸二人南直隸三人宣大遼東甘肅各一人十三省各一

人

清軍提督學校

兩京各一人萬厯時南京增設一人

巡鹽

兩淮兩浙長蘆河東

各一人

茶馬

陝西

巡漕巡關

宣德四年設立鈔關御史至正統十年始遣主事

僉

運印馬屯田師行則監軍紀功各以其事專監察而

巡按則代天子巡狩所按藩服大臣府州縣官諸考

察舉劾尤專大事奏裁小事立斷按臨所至必先審

錄罪囚弔刷案卷有故出入者理辨之諸祭祀壇場

省其牆宇祭器存恤孤老巡視倉庫查算錢糧勉勵學校表揚善類剪除豪蠹以正風俗振綱紀凡朝會糾儀祭祀監禮凡政事得失軍民利病皆得直言無避有大政集闕廷預議焉六部至重然有專司而都察院總憲綱惟所見聞皆得糾察諸御史糾劾務明著實跡開寫年月毋虛文泛詆訐拾細瑣出按復命都御史覆其稱職不稱職以聞凡御史犯罪加三等有賊從重論十三道各協管兩京直隸衙門而都察



院衙門分屬河南道獨專諸内外考察

浙江道協管中軍都督府

在京府軍左金吾左金吾右金吾前留守中神策應  
天和陽廣洋武功中武功後茂陵十二衛牧馬千戶  
所及直隸廬州府廬州六安二衛江西道協管前  
軍都督府在京府軍前燕山左龍江左龍江右龍驤  
豹韜天策寬河八衛及直隸淮安府淮安大河邳州  
九江武清龍門各衛福建道協管戶部寶鈔提舉  
司鈔紙印鈔二局承運廣惠廣積廣盈贖蜀甲乙丙  
丁戊字天財軍儲供用行用各庫在京金吾後武城  
中飛熊武功左武功右武功前獻陵景陵裕陵泰陵  
十衛及直隸常州池州二府定邊開平中屯二衛美  
峪千戶所四川道協管工部營繕所文思院御用  
司設神宮尚衣都知等監惜薪司兵仗銀作巾帽錢  
工器皿盛甲軍器寶源皮作鞍轡織染柴炭抽分竹  
木各局僧道鈔司在京府軍濟州大寧前蔚州左永

清左五衛蕃牧千戶所及直隸松江府廣德州金山  
懷來各衛神木千戶所播州宣慰司石砭西陽等宣  
撫司天全六番招討司陝西道協管後軍都督府  
大理寺行人司在京府軍後鷹揚興武義勇右橫海  
江陰康陵昭陵八衛敢勇報效二營韓秦慶安化四  
府及直隸和州保定左右中前四衛雲南道協管  
順天府廣備庫在京羽林前通州二衛及直隸永平  
廣平二府通州左通州右涿鹿涿鹿左涿鹿中密雲  
中密雲後永平山海盧龍撫寧東勝左東勝右大同  
中屯營州五屯延慶延慶左延慶右萬全左萬全右  
各衛居庸關黃花鎮寬河武定各千戶所河南道  
協管禮部都察院翰林院國子監太常寺光祿寺鴻  
臚寺尚寶司中書舍人欽天監太醫院司禮尚膳尚  
寶直殿等監酒醋局鐘鼓司教坊司在京羽林左留  
守前留守後神武左神武前彭城六衛伊唐周鄭四  
府及兩淮鹽運司直隸揚州大名二府揚州高郵儀真

歸德寧山潼關神武右各衛泰州通州汝寧各千戶  
所 廣西道協管通政司六科在京燕山右燕山前  
大興左驍驍左驍驍右武驍左鎮南瀋陽左會州富  
峪忠義前忠義後十二衛及直隸安慶徽州保定真  
定四府安慶新安鎮武真定各衛紫金關倒馬關廣  
昌各千戶所 廣東道協管刑部應天府在京虎貴  
左濟陽武驍右瀋陽右武功左武功右孝陵長陵八衛  
及直隸延慶州開平中屯衛 山西道協管左軍都  
督府在京錦衣府軍右留守左驍騎左驍騎右龍虎左  
龍虎右大寧中義勇前義勇後英武水軍左十二衛  
晉府長史司及直隸鎮江太平二府鎮江建陽瀋陽  
中屯各衛平定蒲州二千戶所 山東道協管宗人  
府兵部會同館師馬監典牧所大通關在京羽林右  
永清右濟川三衛及中都留守司遼東都司直隸鳳  
陽府徐滁二州中都留守左留守中鳳陽鳳陽中鳳  
陽右皇陵長淮懷遠徐州滁州泗州壽州宿州武平

沂州德州德州左保定後藩陽中各衛洪塘千戶所  
湖廣道協管右軍都督府五城兵馬司在京留守  
右武德忠義右虎賁右廣武水軍右江淮永陵八衛  
遼梁岷吉華陽五府荆襄楚三府長史司及興都留  
守司直隸寧國府寧國宣州神武中定州茂山各衛  
貴州道協管吏部太僕寺上林苑監內官印綬二  
監在京旗手衛及長蘆鹽運司大寧都司萬全都司  
直隸蘄州河間順德三府保安州蘄州太倉鎮海薊  
州遵化鎮朔興州五屯忠義中河間天津天津左天  
津右宣府前宣府左宣府右開平保安右蔚州永寧  
各衛嘉興吳淞江梁城滄州  
興和長安龍門各千戶所

初太祖吳元年置御史臺設左右御史大夫中丞侍  
御史治書侍御史殿中侍御史察院監察御史經歷

都事照磨管勾洪武四年御史臺進擬憲綱凡四十條帝親加刪定頒給羣臣九年汰侍御史及治書殿中侍御史十年七月詔遣監察御史巡按州縣十三年專設左右中丞左右侍御史尋罷御史臺十五年更置都察院設監察都御史八人分監察御史為浙江河南山東北平山西陝西湖廣福建江西廣東廣西四川十二道各道置御史或五人或三四人十六年設左右都御史各一人左右副都御史各一人左

右僉都御史各二人經歷一人知事一人惠帝建文  
元年改設都御史一人革僉都御史二年改為御史  
府設御史大夫改十二道為左右兩院止設御史二  
十八人成祖復舊制永樂元年改北平道為北京道  
十九年罷北京道增設貴州雲南交趾三道仁宗洪  
熙元年稱行在都察院同六部又定巡按以八月出  
巡宣宗宣德十年罷交趾道始定為十三道英宗正  
統中去行在字世宗嘉靖中以清屯增副都御史三

人尋罷穆宗隆慶中以提督京營增右都御史三人尋亦罷

明史職官志曰洪武十五年每道鑄印二文曰繩愆糾繆一畀御史久次者掌之一藏內府有事受印以出既事納之二十三年左副都御史袁泰言各道印篆相同慮有詐偽乃更鑄監察御史印曰某道監察御史印其巡按印曰巡按某處監察御史印

明典彙曰永樂時命吏部簡南京御史之才者得張循理等二十八人詢其出身循理等二十四人由進士監生洪秉等四人由吏帝曰古者用人雖不專於一途然御史乃朝廷耳目之寄須用有學問識達治體者安可用吏此選司之弊遂黜秉等為序班命御史勿再用吏

臣等謹按職官志有登聞鼓樓洪武元年以監察御史一人監登聞鼓後令六科以錦衣衛輪直已



見給事中門

南京都察院右都御史右副都御史右僉都御史各一人  
浙江江西河南山東山西陝西四川雲南貴州九道

各御史二人福建湖廣廣東廣西四道各御史三人

嘉靖

後不全設恒以一人兼數道

所屬司務經歷都事照磨各一人

隆慶四年革都事

司獄二

人 嘉靖三十七年革一人

凡刷卷巡倉巡江巡城屯田印馬巡視糧儲監收糧

斛點開軍士管理京營比驗軍器皆叙而差之清軍則偕兵部兵科覆後湖黃冊則偕戶部戶科

提督操江一人以副僉都御史為之領上下江防之事  
行御史臺

臣等謹按遼金二代不設行御史臺惟元乃有之若明之總督巡撫即行御史臺之職考之紀志總督之名自正統四年王驥征麓川始後以軍興因地增設巡撫之名始於洪武中遣皇太子巡撫陝

西永樂十九年遣官巡行天下蓋大災重事則遣行視謂之巡撫迄事而止無定員也宣德時以關中江南等處地大而要命官更代巡撫自是偏置其後遂命專以都察院堂上官為之具詳於左

元江南諸道行御史臺監浙江江西湖廣三省統江東江西浙東浙西湖南湖北廣東廣西福建海南十道大  
夫一人中丞侍御史治書侍御史各二人又察院監察  
御史二十八人

所屬經歷一人都事二人照磨架閣庫管勾承發管勾兼獄丞各一人

至元十四年始置江南行御史臺於揚州尋徙杭州又徙江州二十三年遷於建康以監臨東南諸省統

制各道憲司而總諸內臺

初置大夫中丞侍御史治書侍御史各一人統江淮東

淮西湖北浙東浙西江東江西湖南八道提刑按察司十五年增江南湖北嶺南廣西福建廣東三道二十三年以淮東淮西山南三道撥隸內臺三十年增海北海南一道大德元年定為江

南諸道行御史臺設官如前

察院至元十四年初置監察御史十人二十三年增  
蒙古御史十四人又增漢人御史四人後定置如前  
百官志曰順帝至正十六年移行臺於紹興二十  
五年閏十月御史大夫鄂勒哲特穆爾奏江南諸  
道行御史臺衙門嘗奉旨於紹興路開設近因道  
梗湖南湖北廣東廣西海北江西福建等處凡有  
文書北至南臺風信不便徑申內臺未悉事情虛  
實宜於福建置分臺給降印信俾各道文書由分

臺以達內臺於事為便從之

陝西諸道行御史臺統漢中隴北四川雲南四道官數  
與江南行臺同惟監察御史止二十人

至元二十七年始置雲南諸路行御史臺官止四人  
大德元年移雲南行臺於京兆為陝西行臺延祐元  
年罷二年復立設官如前

明在外加都御史或副僉都御史銜者有總督有提督  
有巡撫有總督兼巡撫提督兼巡撫及經畧總理贊理

巡視撫治等員

初名巡撫或名鎮守後以鎮守侍郎與巡按御史不相統屬文移窒礙定為都御史巡撫兼軍務者如提督有總兵地方加贊理或參贊所轄多事重者加總督他如整飭撫治巡治總理等項皆因事特設其以尚書侍郎任總督軍務者皆兼都御史以便行事

總督

總督漕運兼提督軍務巡撫鳳陽等處兼管河道一

人洪武時嘗置京畿都漕運司設漕運使元年置十四年罷永樂間設漕運總兵官宣德中又遣侍郎都御史少卿等官督運至景帝景泰二年因漕運不繼始命副都御史王竑總督因兼巡撫淮揚廬鳳四府徐和滁三州駐淮安憲宗成化八年分設巡撫總漕各一人九年復舊武宗正德十三年又分設十六年又復舊世宗嘉靖三十六年以倭警添設提督軍務巡撫鳳陽都御史四十年歸併改總督漕運兼提督軍務神宗萬曆七年加兼管河道

總督薊遼保定等處軍務兼理糧餉一人

嘉靖二十九年置先

是薊遼有警間遣重臣巡視或稱提督至是以邊患益甚始置總督開府密雲轄順天保定遼東三巡撫兼理糧餉萬曆九年加兼巡撫順天等處十一年復舊熹宗天啟元年置遼東經畧經畧之名自此始莊



烈帝崇禎四年併入總督十一年又增設總督於保定

總督宣大山西等處軍務兼理糧餉一人

正統元年始遣僉都

御史巡撫宣大景泰二年宣府大同各設巡撫遣尚書石璞總理軍務成化弘治間有警則遣正德八年設總制嘉靖初兼轄偏保二十九年去偏保定設總督宣大山山西等處銜三十八年令防秋日駐宣府四  
十三年移駐懷來隆慶四年移駐陽和

總督陝西三邊軍務一人

弘治十年遣重臣總督陝西甘肅延綏寧夏軍務以

左都御史王越任之十五年以後或設或罷至嘉靖四年始定設初稱提督軍務七年改為總督開府固  
原防秋駐花馬池

總督兩廣軍務兼理糧餉帶管鹽法兼巡撫廣東一

人

永樂二年遣給事中雷瑱巡撫廣西十九年遣郭瑄艾廣巡撫廣東景泰三年苗寇起以兩廣宜協

濟應援乃設總督成化元年兼巡撫事駐梧州正德十四年改總督為總制尋改提督嘉靖四十五年另設廣東巡撫止兼巡撫廣西駐肇慶隆慶三年又設廣西巡撫除兼職四年革廣東巡撫改為提督兩廣軍務兼理糧餉巡撫廣東萬曆三年仍改總督加帶管鹽法

總督四川陝西河南湖廣等處軍務一人

正德五年設尋罷嘉

靖二十七年以苗患又設總督四川湖廣貴州雲南等處軍務四十二年罷天啟元年以土官奢崇明反又設四川湖廣雲南貴州廣西五省總督四年兼巡撫貴州

總督浙江福建江南兼制江西軍務一人

嘉靖三十三年以倭

犯杭州置四

十一年革

總督陝西山西河南湖廣四川五省軍務一人

崇禎七年

置或無七省十二年

後俱以內閣督師

總督鳳陽地方無制河南湖廣軍務一人

崇禎十四年設

總督保定地方軍務一人

崇禎十一年設

總督河南湖廣軍務無巡撫河南一人

崇禎十六年設

總督九江地方兼制江西湖廣軍務一人

崇禎十六年設

總理

總理南直隸河南山東湖廣四川軍務一人

崇禎八年設與

總督或分或併

總理河漕兼提督軍務一人

永樂元年遣尚書治河自後間遣侍郎都御史

成化後始稱總督河道正德四年定設都御史嘉靖二十年以都御史加工部職銜提督河南山東直隸河道隆慶四年加提督軍務萬曆五年改總理河漕兼提督軍務八年革

總理糧儲提督軍務兼巡撫應天等府一人

宣德五年初命

侍郎總督糧儲兼巡撫景泰四年定遣都御史嘉靖三十三年以海警加提督軍務駐蘇州萬厯中移駐

句容已復  
駐蕪州

### 巡撫

巡撫浙江等處地方兼提督軍務一人

永樂初遣尚書治兩浙襄

事以後或巡視或督離有事則遣嘉靖二十六年以海警始命都御史巡撫浙江兼管福建福興建寧漳泉海道地方提督軍務二十七年改巡撫為巡視二十八年罷三十一年復設

巡撫福建地方兼提督軍務一人

嘉靖二十六年既設浙江巡撫兼轄

福興漳泉等處三十五年以閩浙道遠又設提督軍務兼巡撫興漳泉福寧海道都御史後改巡撫福建

統轄

全省

巡撫順天等府地方兼整薊州等處邊備一人

成化二年

始專設都御史贊理軍務巡撫順天永平二府尋兼撫河間真定保定凡五府七年兼理八府八年以畿輔地廣從居庸關中分設二巡撫其東為巡撫順天永平二府駐遵化崇禎二年又於永平分設巡撫兼提督山海軍務其舊者止轄順天

巡撫保定等府提督紫荆等關兼管河道一人

成化八年

分居庸關以西另設巡撫保定真定河間順德大名廣平六府提督紫荆倒馬龍泉等關駐真定萬歷七年兼管河道

巡撫河南等處地方兼管河道提督軍務一人

宣德五年

遣兵部侍郎于謙巡撫山西河南正統七年以右副都御史王來巡撫湖廣河南景泰七年始專設河南巡撫萬歷七年兼管河道八年加提督軍務

巡撫山西地方兼提督雁門等關軍務一人宣德五年以侍

郎巡撫河南山西正統十三年始命都御史專巡山西鎮守雁門天順成化間暫革尋復置

巡撫山東等處地方督理營田無管河道提督軍務

一人正統五年始設巡撫十三年定遣都御史嘉靖四十二年加督理營田萬歷七年兼管河道八

年加提督軍務

巡撫遼東地方贊理軍務一人正統元年設舊駐遼陽後地日蹙移駐廣

寧駐山海關  
後又駐寧遠

巡撫宣府地方贊理軍務一人

正統元年命都御史出巡塞北因奏設巡

撫兼理大同景泰二年另設大同巡撫後復併為一成化十年復分設十四年加贊理軍務

巡撫大同地方贊理軍務一人

初與宣府共一巡撫後或分或併成化十

年復專設加贊理軍務

巡撫延綏等處贊理軍務一人

宣德十年遣都御史出鎮景泰元年專設

巡撫加叅贊軍務成化九年徙鎮榆林隆慶六年改贊理軍務

巡撫寧夏地方贊理軍務一人

正統元年以右僉都御史郭智鎮撫寧夏



叅贊軍務天順元年罷二年復設  
去叅贊隆慶六年加贊理軍務

巡撫甘肅等處贊理軍務一人

宣德十年命侍郎鎮  
守正統元年甘涼用

兵命侍郎叅贊軍務景泰元年定設  
巡撫都御史隆慶六年改贊理軍務

巡撫陝西地方贊理軍務一人

宣德初遣尚書侍郎  
出鎮正統間命右都

御史陳鑑王文等出入更代景泰初耿九疇以刑部  
侍郎出鎮文移不得徑下按察司特改都御史巡撫  
成化二年加提督軍務後改  
贊理駐西安防秋駐固原

巡撫四川等處地方兼提督軍務一人

宣德五年命  
都御史鎮撫

後停遣正統十四年始設  
撫萬歷十一年加提督軍務

巡撫湖南等處地方兼贊理軍務一人

正統三年命都御史賈諒

鎮守以後或侍郎或大理卿出撫景泰元年定設巡撫都御史兼贊理軍務萬曆八年改為提督軍務十

二年仍為贊理

巡撫江西地方兼理軍務一人

永樂後間設巡撫鎮守成化以後定為巡

撫或有時罷遣嘉靖六年始定設四十年加兼理軍務

巡撫南贛汀韶等處地方提督軍務一人

弘治十年始設巡撫

正德十一年改提督軍務嘉靖四十五年定巡撫衙所轄南安贛州南雄韶州汀州并郴州地方駐贛州

巡撫廣東地方兼贊理軍務一人

永樂中設巡撫後以總督兼巡撫事

遂罷不設嘉靖四十五年復另設  
巡撫加贊理軍務隆慶四年又罷

巡撫廣西地方一人

廣西舊有巡撫沿革不  
常隆慶三年後專設

巡撫雲南兼建昌畢節等處地方贊理軍務兼督川

貴糧餉一人

正統九年命侍郎叅贊軍務十年設鎮  
撫天順元年罷成化十二年復設嘉靖

三十年加兼理軍務四十三年改贊  
理隆慶二年兼撫建昌畢節等處

巡撫貴州兼督理湖北川東等處地方提督軍務一

人  
正統十四年以苗亂置總督鎮守貴州湖北川東  
等處景泰元年另設貴州巡撫成化八年罷十一

年復設正德二年又罷五年又復設嘉靖四十二年  
裁革總督令巡撫兼理湖北川東等處提督軍務

巡撫天津地方贊理軍務一人  
萬曆二十五年以倭陷朝鮮暫設尋為定制

巡撫登萊地方贊理軍務一人  
天啟元年設崇禎二年罷三年復設

巡撫安廬地方贊理軍務一人  
崇禎十年設十六年又增設安太池廬四

府巡撫

巡撫偏沅地方贊理軍務一人  
萬曆二十七年以征播暫設尋罷天啟二

年後或置或罷崇禎二年定設

巡撫密雲地方贊理軍務一人  
崇禎十一年設

巡撫淮揚地方贊理軍務一人

崇禎十一年設

巡撫承天贊理軍務一人

崇禎十六年設

撫治

撫治鄖陽等處地方兼提督軍務一人

成化十二年以鄖陽襄陽流

民屢叛遣都御史安撫因奏設官撫治之萬曆二年以撫治事權不專增提督軍務兼撫治職銜九年裁

革十一

年復設

贊理

贊理松潘地方軍務一人

正統四年暫設

春明夢餘錄曰天下設巡撫都御史洪武未有也  
太祖不欲以重臣令典錢糧兵馬永樂十九年勅  
尚書侍郎都御史少卿等官十三人各同給事中  
一人巡行天下是謂巡撫宣德間令巡撫官每歲  
八月一赴京議事蓋不欲疎逖以懸機重景泰四  
年始差都御史其意尚在執持風紀有故則入叅  
廟議而握燾之柄則有司存自是則曰整飭曰提  
督曰總制曰鎮守又復興兵部尚書侍郎之職兼

都御史百僚羣將俯首聽一人之謀似於兼制少  
疎故復以巡按權叅殺之然表裏異同痛癢不相  
關而司鋒鏑者每掣肘不能自盡近年失事並罪  
撫臣誠得肯綮矣天順間石亨曹欽請罷巡撫正  
德間劉瑾取回巡撫彼固借私以逞要亦不為無  
說然使其置布腹心則其為毒又不可勝言矣

學士院

翰林國史集賢弘  
文等院及諸學士

臣等謹按馬端臨考所載學士院官制不一今以

宋史考之南渡後有顯文閣學士以遼金元明四史考之則各有翰林院即端臨所謂學士院之翰林至若史官及集賢弘文馬考分隸中書門下省今考遼金各有國史院元以翰林院兼之則端臨所稱史官金有集賢弘文二院元有集賢院明有弘文館以其無所隸屬故與國史並附輯於翰林之後此則隨類變通者也其殿閣諸學士仍從舊例



宋度宗咸淳元年六月名理宗御製之閣曰顯文置學士直學士待制直閣等官

遼大林牙院掌文翰之事官有北面都林牙承旨北面林牙左林牙右林牙

臣等謹按遼史百官志林牙修文告是時尚未有漢制也

南面翰林院掌天子文翰之事官有翰林都林牙南面林牙翰林學士承旨翰林學士翰林祭酒知制誥

臣等謹按百官志有翰林畫院見聖宗開泰七年翰林畫院待詔陳升翰林醫官見天祚帝保大年提舉翰林醫官李爽云

金翰林學士院翰林學士承旨掌制撰詞命凡應奉文字銜內帶知制誥

直學士以上同

翰林學士翰林侍讀學士翰

林侍講學士翰林直學士翰林待制分掌詞命文字分

判院事銜內亦帶知制誥翰林修撰掌與待制同

自直學士至修

撰俱不限員

又有應奉翰林文字

海陵天德二年命翰林學士院自侍讀學士至應奉  
文字通設漢人十人女直契丹各七人

元翰林兼國史院承旨六人學士二人侍讀學士侍講  
學士直學士各二人

屬官待制五人修撰三人應奉翰林文字五人編修  
官十人檢閱四人典籍二人經歷都事各一人

世祖中統初以王鶚為翰林學士未立官署至元六  
年置承旨三人學士侍讀學士侍講學士直學士各

二人十四年增承旨一人十六年增侍讀學士一人  
十七年增承旨二人二十年省併集賢院為翰林國  
史集賢院二十一年增學士二人二十二年復分立  
集賢院二十三年增侍講學士一人二十六年置官  
吏五人掌管教習亦思替非文字二十七年增承旨  
一人大德九年改典簿為司直置都事一人至大元  
年置承旨九人皇慶元年改司直為經歷延祐元年  
別置回回國子監學以掌亦思替非官屬歸之五年

置承旨八人後定置官如前

蒙古翰林院掌譯寫一切文字及頒降璽書并用蒙古新字仍各以其國字副之承旨七人學士侍讀學士侍講學士直學士各二人待制四人修撰二人應奉五人經歷都事各一人承發架閣庫管勾一人

其屬二蒙古國子監蒙古國子學

俱詳國子監門

至元八年始立新字學士於國史院十二年別立翰林院置承旨直學士各一人待制二人修撰一人應

奉四人十八年增承旨一人學士三人二十九年增  
承旨侍讀學士各一人三十年增管勾一人大德九  
年增司直都事各一人皇慶元年設官二十有八延  
祐二年改司直為經歷後定置官如前

明翰林院翰林學士一人侍讀學士侍講學士侍讀侍  
講各二人史官修撰編修檢討無定員庶吉士亦無定員五經

博士九人世襲別見典籍二人侍書二人不常設待詔六人不常

設孔目一人

學士掌制誥史冊文翰之事以考議制度詳正文書  
備天子顧問凡經筵日講纂修實錄玉牒史志諸書

編纂六曹章奏皆奉勅而統承之誥勅以學士一人

兼領

正統中王直王英以禮部侍郎兼學士專領誥  
勅後罷弘治七年復設正德中白鉞費宏等由

禮部尚書入東閣專典誥敕嘉靖  
六年復罷以講讀編檢等官管之大政事大典禮集

諸臣會議則與諸司叅決其可否車駕幸太學聽講

凡郊祝慶成諸宴則學士侍坐於四品京卿上侍讀

侍講掌講讀經史修撰編修檢討謂之史官掌修國

史凡天地理宗潢禮樂兵刑諸大政及誥勅書檄  
批荅王言皆籍而記之以備實錄國家有纂修著作  
之書則分掌考輯撰述之事經筵充展卷官鄉試充  
考試官會試充同考官殿試充收卷官凡記注起居  
編纂六曹章奏謄黃冊封等咸充之庶吉士讀書翰  
林院以學士一人教習之五經博士初置五人各掌  
專經講議繼以優給聖賢先儒後裔世襲不治院事  
侍書掌以六書供事待詔掌應對孔目掌文移



吳元年初置翰林院設學士侍講學士直學士修撰  
編修典簿洪武二年增設承旨待制應奉典籍等官  
十三年增設檢閱十四年革承旨直學士待制應奉  
檢閱典簿設孔目五經博士侍書待詔檢討令編修  
檢討典籍同左春坊左司直郎正字贊讀考駁諸司  
奏啟平允則署其銜曰翰林院兼平駁諸司文章事  
某官某列名書之十八年更定員數如前所列獨以  
未有庶吉士  
侍讀先侍講建文時仍設承旨改侍讀侍講兩學士

為文學博士設文翰文史二館文翰以居侍讀侍講  
侍書五經博士典籍待詔文史以居修撰編修檢討  
改孔目為典簿及中書舍人為侍書以隸翰林又設  
文淵閣待詔及拾遺補闕等官成祖初復舊其年九  
月特簡講讀編檢等官叅預機務

簡用無  
定員

謂之內閣

然解縉胡廣等既直文淵閣猶相繼署院事至洪熙  
以後楊士奇等加至師保體絕百僚始不復署正統  
七年翰林院落成學士錢習禮不設楊士奇楊榮公

座曰此非三公府也二楊以聞乃命工部具椅案禮

部定位次以內閣固翰林職也

嘉隆以前文移關白猶稱翰林院以後則

竟稱內閣矣

其在六部自成化時周洪謨以後禮部尚書

侍郎必由翰林吏部兩侍郎必有一由於翰林其由

翰林者尚書則兼學士

六部皆然

侍郎則兼侍讀侍講學

士其在詹事府暨坊局官視其品級必帶本院銜

詹事

少詹事帶學士銜春坊大學士不常設庶子諱德中允贊善洗馬等則帶講讀學士以下至編檢銜

廖道南殿閣詞林記曰國朝兩制悉歸本院非鴻

臚歷顯秩者不得掌而以中書主膳寫吳元年十月開讀詔赦前期本院官承制草詔及文武官除授合用誥命勅命皆即日撰寫故學士陶安宋濂輩皆曰知制誥於時封拜無虛日安等常撰擬誥命千餘首以待而猶不足乃使諸儒士在館者分局代為之其後定一考封贈之制初除授所領誥敕皆草去於是其務稍省矣永樂初內閣七人掌內外兩制楊榮金幼孜諸人自署職銜亦曰知

制誥用洪武時故事也仁宗始命內閣專典內制而擇學士一人專管文官誥敕正統以後罷之文官誥敕皆屬內閣如永樂時弘治七年復設以學士年深或尚書侍郎兼者為之亦得以知制誥自署兩制遂稍分矣

又曰本院官特清貴舊不輕改擢學士官雖五品序秩於尚書之上洪武三年以太常寺卿魏觀為侍讀學士六年以兵部尚書樂韶鳳為侍講學士

吏部尚書詹事為學士承旨八年以廣西按察司  
僉事答祿與權為修撰十三年以山西右布政使  
趙新為修撰十六年以僉都御史茹太素為檢討  
三十四年以僉都御史凌漢為左贊善蓋本院草  
承旨後為五品衙門庶僚以學行著聞而改擢者  
品秩大都由尊及卑蓋崇儒右文之體當如是也  
永樂初進高廟實錄猶先學士王景而後及禮部  
尚書李至剛其尊重可知曾祭以狀元及第官侍

從將二十年始得侍講學士帝顧左右曰曾祭也  
與學士矣意猶謂其早也是時燕邸左長史金忠  
不得廁名翰林惟拜工部宣宗雖擢張瑛入翰林  
以嘗為詹事府舊僚采故也景帝興自邸邸其左  
長史儀銘亦官止禮部左侍郎未有遽擢為學士  
者其後一日拜六學士時人以為名器之濫竊謂  
慎重名器當自本院始

史官自洪武十四年置修撰三人編修檢討各四人

其後由一甲進士除授及庶吉士留館授職往往溢額無定負嘉靖八年復定講讀修撰各三人編修檢討各六人皆從吏部推補如諸司例然未幾即以侍從人少詔采方正有學術者以充其選因改御史胡經員外郎陳束主事唐順之等七人俱為編修以後仍循舊例由庶吉士除授卒無定額崇禎七年又考選推官知縣為編修檢討蓋亦創舉非常制也

殿閣詞林記曰自吳元年置院以來官不必備惟



侍從儒學之臣最重必如所謂明仁義禮樂通古今治亂文章議論可以決疑定策論道經邦者始可處之故洪武永樂宣德間雖待詔孔目不輕授人凡居是職者咸知自重若遽鰓鰓焉有出位之圖殊非建官之意也嘗考周官內史掌王八柄之法以詔王治凡命諸侯及孤卿大夫則策命之卿濬曰八柄詔於冢宰內史復掌以詔王蓋史官公論之所出爵祿廢置生殺予奪之柄有所不公直

以筆之吳澄謂內史為翰林之職蓋以其策命諸  
侯孤卿大夫猶學士之草制詔也然謂之史乃掌  
文書贊治之名今制併史館於翰林其亦此意與  
春明夢餘錄曰明改學士院為翰林院凡代言之  
官學士經筵之職講讀秘書之屬五經博士典籍著作起居之  
任侍書併屬於翰林至升轉之例初編修九年升  
侍講檢討九年升修撰既升修撰矣與狀元徑授  
修撰者又皆九年方升中允成化二年童緣以修

撰升諭德後遂為例至弘治中改正必二十六七

年方升五品學士

此載在楊文襄召對錄者

故當時詞臣廻翔

禁林曉暢典故及至宣麻卓有可觀

庶吉士自洪武初有六科庶吉士十八年以進士在翰林院承敕監等近侍衙門者俱稱庶吉士永樂二年始定為翰林院庶吉士選進士文學優等及善書者為之三年試之其留者二甲授編修三甲授檢討不得留者則為給事中御史或出為州縣宣德五年

始命學士教習萬厯以後掌教習者專以吏禮二部侍郎二人

殿閣詞林記曰洪武初以諸進士未更事欲優待之俾觀政於諸司候諳練然後任之其在本院承敕監等近侍衙門者采書經庶常吉士之義俱改稱庶吉士其在六部及諸司者則仍稱進士永樂初擇本院庶吉士二十五人暨首甲三人俾進學內閣周忱自陳願與其列遂增忱為二十九人命

學士解縉領其事宣德中三科進士選入翰林為庶吉士者二十八人猶有選入六科近侍諸衙門庶吉士十二人其出舊科者一蕭鎡也惟鎡授編修是科以後始定庶吉士止入翰林然四年七年十年進士皆不選自宣德以前留官翰林者鮮兼授部屬中書等官正統間始有授科道者成化後不授中書正德辛未丁丑止授科道而無部屬辛巳仍復兼授焉蓋國初最重庶吉士之選雖二甲

第一人及會元或選而不預或預而不留其嚴如此

南京翰林院學士一人不常置以翰林坊局官署職孔  
目一人

國史院

遼南面國史院有監修國史史館學士修撰修國史等  
官

臣等謹按帝紀太宗會同四年詔有司編始祖奇

善汗事跡聖宗統和八年北府宰相室昉進所撰  
實錄二十卷帝詔凡已奏事附日厯細事不書興  
宗重熙中命耶律古裕蕭罕嘉努等編遼國上世  
事跡及諸帝實錄道宗太康初進上之清寧五年  
耶律孟簡疏言本朝之興幾二百年宜有國史以  
垂後世乃編耶律赫魯烏哲休格三人行事以進  
遂命置局編修皆遼史之可考者至於道宗初罷  
史官預聞朝議俾問宰相而後書之則大失記言

記勤之意矣

金國史院有監修國史掌修國史事修國史掌修國史

判院事同修國史二人

女直漢人各一人承安四年更擬女直一人罷契丹同修國史

編修官八人

女直漢人各四人明昌元年罷契丹編修三人添女直一人檢閱官又

修遼史刊修官一人編修官三人

國史院先嘗以諫官兼其職明昌元年詔諫官不得

兼恐以其奏章私溢已美故也

元國史院以翰林兼之

已見前



中統三年敕王鶚集廷臣商榷史事至元元年敕選  
儒士編修國史起館舍給俸以贍之十年以翰林院  
纂修國史敕采錄累朝事實以備編集皇慶元年帝  
謂省臣曰人言御史臺任重朕謂國史院其任尤重  
蓋御史臺是一時公論國史院是萬世公論於是升  
翰林兼國史院為從一品文宗至順二年帝欲取國  
史閱之編修官呂思誠曰國史記當代人君善惡自  
古無天子取觀之理遂止

明以翰林院修撰編修檢討為史官

詳見學士院

集賢院

金集賢院設知集賢院同知集賢院司議官諮議官等  
宣宗貞祐五年置司議諮議二官俱不限員

元集賢院掌提調學校徵求隱逸召集賢良凡國子監  
元門道教陰陽祭祀占卜祭遁之事悉隸焉大學士五  
人學士侍讀學士侍講學士直學士各二人又經歷一  
人都事二人待制修撰兼管承發架閣庫各一人

國初集賢與翰林國史院同一官署至元二十二年  
分置兩院置大學士三人學士一人直學士二人典  
簿一人二十四年增置學士一人侍讀學士一人侍  
制一人尋又置院使一人大學士二人學士三人侍  
讀學士侍講學士各一人直學士二人司直待制各  
一人二十五年增都事修撰各一人元貞元年增院  
使一人大德十一年置院使六人經歷二人至大四  
年省院使六人皇慶二年省漢人經歷一人後定置

官如前

所屬國子監有祭酒等官國子學有博士等官

俱詳國子

監興文署署令一人以翰林修撰兼之署丞一人以

翰林應奉兼之至治二年罷置典簿一人掌提調諸生飲膳與凡文牘簿書之事

弘文院

金弘文院有知院同知弘文院事又有校理掌校譯經史

明弘文館學士洪武三年置以胡鉉為學士又命劉基危素羅復仁王本中鮐稼皆兼弘文館學士未幾罷

宣德間復建弘文閣於思善門右以翰林學士楊溥掌閣印尋併入文淵閣

### 殿閣諸學士

遼南面宣政殿學士

穆宗應歷元年有宣政殿學士李濟

觀書殿學士

宗道

壽隆初王鼎為觀書殿學士

昭文館直學士

楊遵勗子珣為昭文館直學士

崇文館

大學士

太祖時韓延徽為崇文館大學士

乾文閣學士

道宗咸雍五年王觀為乾文閣

學士

臣等謹按以上皆百官志考李潞見穆宗紀餘皆載列傳中若職掌與員數則志不詳其昭文崇文兩館學士雖非殿閣銜以與弘文院同故併載於此

金益政院哀宗正大三年置於內廷以學問該博議論宏遠者數人無之日以二人上直備顧問講尚書通鑑貞觀政要名則經筵實內相也未幾罷

臣等謹按益政院雖無學士之官實為學士之職與弘文院同故併載於此

元奎章閣學士院大學士四人侍書學士承制學士供奉學士各二人

首領官叅書典籤各二人照磨一人屬官授經郎二人

文宗天歷二年立於興聖殿西命儒臣進經史之書考帝王之治大學士二人尋升為學士院大學士至

叅書多以他官兼領其職至順元年增定如前順帝  
至元六年十一月罷奎章閣學士院至正元年九月  
立宣文閣不置學士惟授經郎及監書博士以宣文  
閣繫銜云

所屬羣玉內司天歷二年始置掌奎章圖書寶玩及  
凡常御之物監司司尉亞尉各一人僉司司丞各二  
人典簿一人

臣等謹按元典章又有昭文館大學士百官志不



載附見於此

明左右春坊亦有大學士

洪武二十五年始以叅議董倫為之景帝以後不常

設

詳詹事府門

欽定續文獻通考卷五十四

欽定四庫全書

欽定續文獻通考卷五十五

職官考

太常寺

明提督四  
夷館附

宋太常寺分案九曰禮儀掌討論大慶典禮神祠道釋  
襲封定諡檢舉忌辰曰祠祭掌大中小祠祀差行事官  
并酒齊幣帛蠟燭禮料曰壇廟掌行室壇廟域陵寢曰  
大樂掌大樂教習樂舞鼓吹警場曰法物掌給納朝祭

服曰廩犧掌歲中祠祭牲牢羊豕滌室曰太醫掌臣僚  
陳乞醫人補充太醫助教等曰掌法曰知雜並掌本寺

條制雜務

餘詳馬  
端臨考

遼南面太常寺有卿少卿丞主簿

又有博士贊引太祝奉禮郎協律郎及大樂署鼓吹  
署各有署令署丞法物庫掌圖籍有使副使

臣等謹按遼史百官志寺官俱有卿少卿丞主簿  
若博士以下則太常所獨也

金太常寺

熙宗皇統三年正月始置

卿少卿丞各一人掌禮樂郊廟

社稷祠祀之事博士二人掌檢討典禮檢閱官一人掌

同博士

章宗泰和元年置四年罷

檢討二人

明昌元年置

太祝掌奉祀神

主奉禮郎掌設版位執儀行事協律郎掌以麾節樂調

和律呂監視音調

所屬太廟署皇統八年太廟成設署置令丞仍兼提

舉慶元明德永祚三宮令一人掌太廟衍慶坤寧宮

殿神御諸物及提控諸門關鍵掃除守衛兼廩犧令

事丞一人兼廩犧署丞又有直長明昌三年罷廩犧署令丞以太廟令丞兼掌薦犧牲及養飼等事

郊社署

章宗承安三年設祝史齋郎百六十人作班祗僕使周年一替衛紹王大安元年奏兼武

成王廟署

令丞各一人掌社稷祠祀祈禱并廳舍祭器等

物大安元年置武成王廟署春秋祀享即以郊社令丞兼掌之又有直長明昌三年廢諸陵署提點山

陵涿州刺史兼又有令有丞一人掌守山陵又有直長園陵署令宛平縣丞兼宣宗貞祐二年以園陵

遷大興縣境遂以大興縣令丞兼大樂署兼鼓吹

署樂工百人令一人又有丞掌調和律呂教習音聲并施

用之法樂工部籍直長一人大樂正掌祠祀及行禮  
陳設樂懸又有大樂副正

元太常禮儀院掌大禮樂祭享宗廟社稷封贈諡號等  
事有院使同知僉院同僉院判各二人又經歷都事照  
磨兼管勾承發架閣各一人博士奉禮郎各二人奉禮  
兼檢討一人協律郎二人太祝十人禮直管勾一人

世祖中統元年中都立太常寺設寺丞一人至元二年翰林兼攝太常寺九年立太常寺設卿一人少卿以下五人十三年省併衙門以侍儀司併入太常寺十四年增博士一人十六年又增法物庫子掌公服法服之藏二十年別置侍儀司武宗至大元年改升院設官十二人四年復為太常寺仁宗延祐元年復改升院以大司徒領之文宗天歷二年定置官如前所屬太廟署掌宗廟行禮兼廩犧署事令二人丞一



人 至元三年始置

郊祀署掌郊祀行禮兼廩犧署事令丞

各二人 成宗大德九年始置

社稷署令二人丞一人 大德元年始置

大樂署掌管禮生樂工四百七十九戶令二人丞一

人 中統五年始置

臣等謹按元史百官志又有大禧宗禋院崇福司

司禋監官屬甚繁其所掌概與太常寺同附列於

左

大禧宗禋院掌神御殿朔望歲時諱忌日辰禋享禮典

院使都典制神御殿事六人同知兼佐儀神御殿事副使兼奉贊神御殿事僉院兼祇丞神御殿事同僉兼肅治神御殿事院判俱應神御殿事參議經歷都事各二人管勾照磨各一人斷事官四人客省使大使副使各二人

天曆元年罷會福殊祥二院改置大禧院以總制之置參議二人二年改大禧宗禋院置院使六人增副使二人立諸總管府為之屬凡錢糧之出納營繕之

作輟悉統之後定置官如前

所轄隆禧總管府

至大元年建立南鎮國寺初立規  
運提點所二年改為規運都總管

府三年升為隆禧院天歷元年罷會福殊祥二院以  
隆禧殊祥併立殊祥總管府尋又改為隆禧總管府

定置達魯噶齊總管副達魯噶齊同知治中判官經

歷知事照磨各一人其屬七

福元營繕司天歷元年  
以南鎮國寺所立齊哩

克昆事產提舉司改為崇恩福元提點所三年又改  
為福元營繕司置達魯噶齊司令大使副使吏目各  
一人善安智全營繕司天歷元年以太玉山普安  
寺大智全寺兩規運提點所併為一置提點二人三  
年又改為營繕司定置達魯噶齊司令大使副使吏  
目各一人佑國營繕都司天歷元年初置萬聖佑

國營繕提點三年改為營繕都司置達魯噶齊司令  
大使副使知事提控案牘各一人平松等處福元  
田賦提舉司置達魯噶齊提舉同提舉副提舉各一  
人田賦提舉司置提舉同提舉副提舉各一人  
資用庫提領大司各一人萬  
聖庫提領大使副使各一人會福總管府至元

年建大護國仁王寺及昭應宮始置財用規運所十  
六年改規運所為總管府至大元年改都總管府尋  
升會福院置院使五人天  
定置達魯噶齊總管同知  
歷元年改為會福總管府

治中府判經歷知事提控案牘各一人其屬五

仁王營  
繕司至

元八年立護國仁王寺鎮遏提舉司十九年改鎮遏  
所二十八年併三提領所為諸色人匠提領所天歷  
元年改為鎮遏民匠提領所三年改為仁王營繕司  
置達魯噶齊司令大使副使各一人襄陽營田提

舉司初置襄陽等處水陸地土人戶提領所設官四  
人大德元年改提舉司天歷二年仍為襄陽營田提  
舉司定置達魯噶齊提舉司至元二十七年始置達魯噶  
齊提舉司同提舉副提舉各一人大都等路民佃提  
領所至元二十九年以武清等十一處併立大都水  
陸地上種田人民提領所十五年又設隨路管民都  
提領所天歷元年併為大都等路民佃提領所定置  
提領大使副使各一人會福財用所掌大護國仁  
王寺糧草諸物至元十七年始立財用庫二十六年  
立盈益倉天歷元年併財用盈益  
為所置提領大使副使各一人

### 宗祥總管府

大

元年立大承華普慶寺都總管府二年改延禧監尋  
改宗祥監泰定四年復改為大承華普慶寺總管府天  
歷元年改為  
宗祥總管府

### 定置達魯噶齊總管副達魯噶齊同

知治中府判經歷知事提控案牘兼照磨各一人其

屬九

永福營繕司延祐三年以起建新寺始置營繕  
提點所天歷元年改為永福營繕提點所三年

改營繕司設達嚕噶齊司

令大使副使都目各一人

昭孝營繕司天歷元年立壽安山規運提點所三

年改昭孝營繕司定置達嚕噶齊司令大使副使各

一人普慶營繕司天歷元年始置普慶營繕提點

所三年改為營繕司定置達嚕噶齊司令大使副使

各一人崇祥財用所至大二年始置諸物庫四年

置普贍倉天歷二年併諸物庫普贍倉改為崇祥財

用所定置官提領大使副使各一人永福財用所

掌出納顏料諸物延祐三年始置諸物庫又置永積

倉天歷二年以諸物庫永積倉併改置為所設提領

大使副使各一人鎮江稻田提舉司達嚕噶齊提

舉同提舉副提舉各一人汴梁稻田提舉司達嚕

噶齊提舉同提舉副提舉各一人 平江等處田賦  
提舉司達噶噶齊提舉同提舉副提舉各一人 冀

寧提領所

壽福總管府掌祭供錢糧之事

至大四  
年因建

提領二人

大聖壽萬安寺置萬安規運提點所延祐二年升都  
總管府尋升為壽福院天歷元年改立總管府

定置官達噶噶齊總管副達噶噶齊同知治中府判

經歷知事提控案牘照磨各一人其屬五

萬安營繕  
司天歷三

年以萬安規運提點所既廢復立萬安營繕司定置  
達噶噶齊司令大使副使都目各一人 萬寧營繕

司大德十年始置萬寧規運提點所天歷元年改營  
繕司定置達噶噶齊司令大使副使都目各一人

收支庫提領大使各一人 延聖營繕司初立天源  
營繕提點所天歷三年改定置達噶噶齊司令大使

副使都目各一人

諸

物庫提領大使各一人

又隆祥使司

天歷二年中宮建大承天護聖

寺立隆祥總管府設官八人

至順二年升為隆祥使司

置使司四人同知副使

司丞各二人經歷一人都事二人照磨兼架閣一人

其屬十一

普明營繕都司掌營造出納錢糧之事天歷元年創大龍興普明寺於海南置規運

提點所設官六人二年撥隸隆祥總管府三年改為都司定置達魯噶齊司令大使副使知事提控案牘

各一人

集慶萬壽營繕都司掌營造錢糧之事天

歷二年建龍翔萬壽雨寺于建康立龍翔萬壽營繕

提點所為隆祥總管府屬三年改為營繕都司定置

達魯噶齊司令大使副使知事提控案牘各一人

元興營繕都司掌營造錢糧之事天歷元年始置大

元興規運提點所置官五人三年改都司置達魯噶



齊二人司令大使副使知事提控案牘各一人宣  
農提舉司掌徵收田賦子粒之事天厯二年以大都  
等處田賦提舉司隸隆祥總管府三年改宣農提舉  
司置達魯噶齊提舉同提舉副提舉各一人護聖  
營繕司掌營造工匠寺僧衣糧收徵房課之事天厯  
二年始立大承天護聖營繕提點所三年改為司置  
達魯噶齊司令大使副使各一人平江善農提舉  
司天厯二年立田賦提舉司二年改為善農提舉司  
置達魯噶齊提舉同提舉副提舉各一人善盈庫  
掌金銀錢糧之事天厯二年隸隆祥總管府置提領  
大使副使各一人荆襄等處濟農香戶提舉司天  
厯三年以荆襄提舉司所領河南湖廣田土為大承  
天護聖寺常住改為荆襄濟農香戶提舉司隸隆祥  
總管府置達魯噶齊司令提舉同提舉副提舉各一  
人龍慶州等處田賦提領所掌龍慶州所有土田  
歲賦平江天厯二年置提領副提領各一人集慶

崇禧田賦提領所天歷三年置提領同提領副提領各一人集慶崇禧財用所天歷三年始置大使副

使各

一人

百官志順帝至元六年罷大禧宗禋院隆祥使司以宗禋院所轄會福崇祥隆禧壽福四總管府并隆祥使司俱改為規運提點所仍添置萬寧提點所並隸宣政院

崇福司掌領瑪哈噶拉錫喇卜伊囉勒昆十字寺祭享等事司使四人同知副使司丞各二人經歷都事

照磨各一人

至元二十六年置延祐二年改為院置領院事一人  
省併天下伊囉勒昆掌教司七十二所悉以其事歸  
之七年復為司後定置官如前

司裡監掌師翁祭祀祈禳之事內監少監監丞各二人  
知事一人

順帝至正元年十二月詔依世祖故事復立司裡監  
明太常寺掌祭祀禮樂之事總其官屬籍其政令以聽

於禮部卿一人少卿寺丞各二人

屬官典簿博士各二人協律郎二人

世宗嘉靖中增至五人

贊

禮郎九人

嘉靖時增至三十人後革二人

司樂二十人

嘉靖中增至三十九

人後革五人

天壇地壇朝日壇夕月壇先農壇帝王廟祈

穀殿長陵獻陵景陵裕陵茂陵泰陵顯陵康陵永陵

昭陵各祠祭署俱奉祀一人祀丞二人犧牲所吏目

一人又所轄神樂觀官

詳僧道官門

凡天神地祇人鬼歲祭有常先冬十二月朔奏進明

年祭日天子御奉天殿受之乃頒於諸司天子親祭  
則贊相禮儀大臣攝事亦如之凡國有冊立冊封冠  
婚營繕征討大喪諸典禮歲時旱澇大災變則請告  
宗廟社稷薦新則移光祿寺供其品物祭祀先期請  
省牲進祝版銅人上殿奏請齋戒親署御名省牲偕  
光祿卿惟大祀車駕親省大臣日一省之凡祭滌器  
爨埋香燭玉帛整拂神幄必恭潔掌燎看燎讀祝奏  
禮對引司香進俎舉麾陳設收支導引設位典儀通

贊奉帛執爵司樽司罍洗卿貳屬共領其事罔有不  
共凡玉四等曰蒼璧以祀天曰黃琮以祀地曰赤璋  
白琥以朝日夕月曰兩圭有邸以祭大社大稷帛五  
等曰郊祀制帛祀天地曰奉先制帛薦祖考曰禮神  
制帛祭社稷羣神帝王先師曰展親制帛祭享親王  
曰報功制帛祭享功臣牲四等曰犢曰牛曰太牢曰  
少牢色尚騂或黝大祀入滌三月中祀一月小祀一  
旬樂四等曰九奏祀天地曰八奏祀神祇太歲曰七

奏祀大明大社大稷帝王曰六奏祀夜明帝社帝稷  
宗廟先師舞二曰文舞曰武舞樂器不徙陵園之祭  
無樂歲終合祭五祀之神則少卿攝事

初吳元年置太常司設卿少卿丞典簿協律郎博士  
贊禮郎洪武初置各祠祭署設署令署丞二十四年  
改各署令為奉祀署丞為祀丞三十年改司為寺官  
制仍舊惠帝建文中增設贊禮郎二人太祝一人以

及各祠祭署俱有更革

天壇祠祭署為南郊祠祭署  
泗州祠祭署為泗濱祠祭署

宿州祠祭署為新豐祠祭署孝陵置鍾山祠祭署各司園所增神樂觀知觀一人成祖初惟

易天壇為天地壇餘悉復洪武舊制

建文時南郊祠祭署為郊壇祠

祭署已又改為天地壇祠祭署

仁宗洪熙元年置犧牲所吏目典掌

文移

先是洪武三年置神牲所設康牲令大使副使等官四年革

世宗釐定祀典

分天地壇為天壇地壇山川壇藉田祠祭署為神祇壇

大祀殿為祈穀殿增置朝日夕月二壇各設祠祭署

又增設協律贊禮司樂等員

穆宗隆慶三年革協律郎等官四十八人神宗

萬曆六年復設如嘉靖間制

萬曆四年改神祇壇為先農壇



明史職官志曰太常寺卿在南京者多由科目北  
寺自永樂間用樂舞生累資升至寺卿甚至加禮  
部侍郎尚書掌寺後多沿襲至隆慶初乃重推科  
甲出身補任

春明夢餘錄曰凡宴會率其屬奏樂典簿典勾校  
金穀察視禮數省署文移博士講習禮文請上填  
名祝版大禮導贊其儀神樂觀提點知樂領樂生  
舞生而時教肄之進退其考贊禮郎設君臣之位

以奉祭祀之禮拜跪之節皆贊導焉而承傳之協律郎司樂考協雅樂凡舞人韻聲人籍覈其名數而審歟之凡淫聲過聲凶聲慢聲舞失節者皆禁糾之凡上至祀所夜警晨嚴凡祭先期演樂太和殿凡大祀樂生七十二人舞生一百三十二人凡壇署典守壇場殿宇厨庫林木時灑掃之以供其祀事陵署亦如之犧牲所凡三祀牲牢咸有數養而滌之耜田收穀納于神倉供五齊三酒之用穰

藁飼牲

又曰太常博士漢人極重此官國有大政下丞相  
九卿會議必及博士又贊禮郎即古之太祝也宋  
重其官以宰相任子為之明初亦以處文學之士  
乙科初選每得之後乃以黃冠充焉失矣

提督四夷館掌譯書之事少卿一人

自成祖永樂五年外國朝貢特設八館置譯字生通

事

通事初隸  
通政使司

通譯語言文字武宗正德中增設八百

館八百國蘭

萬厯中又增設暹羅館初設四夷館隸

翰林院選國子監生習譯宣宗宣德元年兼選官民

子弟委官教肄學士稽考程課孝宗弘治七年始增  
設太常寺卿少卿各一人為提督遂改隸太常寺嘉  
靖中裁卿止少卿一人

職官志曰譯字生明初甚重與考者與鄉會試額  
科甲一體出身後止為雜流其在館者升轉皆在  
鴻臚寺矣

南京太常寺卿少卿典簿博士各一人協律郎二人贊

禮郎七人

嘉靖中革一人

司樂二人各祠祭署合奉祀八人祀

丞七人

天地壇奉祀一祀丞一山川壇耜田奉祀一祖陵奉祀祀丞各一皇陵奉祀祀丞各二孝陵楊

王墳各奉祀一祀丞一嘉靖後革天

地壇祖陵楊王墳三祠祭署祀丞

### 光祿寺

宋光祿寺官有卿掌祭祀朝會宴饗酒醴膳羞之事修其儲備而謹其出納之政少卿為之貳丞參領之

凡祭祀共五齊三酒牲牢鬱鬯及尊彝簠豆簠簋鼎

組鉤登之實前期飭有司辦具牲鑊視滌濯奉牲則告充告備共其明水火焉禮畢進胙於天子而頒於

百執事之人

餘詳馬端臨考

遼南面光祿寺官有卿少卿丞主簿

後避太宗諱改為崇祿寺

金不設光祿寺其職見於宣徽院

臣等謹按金史百官志宣徽院掌朝會燕享及監

知御膳所屬內有尚食局尚藥局尚醞署等官即

光祿寺之職也今仍統列于宣徽門下而摘錄之以備缺畧

元光祿寺掌起運米麵諸事領尚飲尚醢局沿路酒坊各路布種事有卿四人少卿丞主事各二人隸宣徽院至元十五年罷都提點置寺設卿一人少卿三人主事照磨管勾各一人隸宣徽院二十年改尚醢監二十二年復為光祿寺卿二人少卿丞各一人二十四年增少卿一人二十五年撥隸省部三十一年復隸

宣徽延祐七年後定置官如前

臣等謹按百官志宣徽院所屬大都上都尚飲尚  
醞等局領於光祿寺蓋亦即光祿之職也今仍統  
列於宣徽院門下

明光祿寺卿一人少卿寺丞各二人

其屬典簿廳典簿二人錄事一人大官珍羞良醞掌

醞四署各署正一人署丞四人監事四人司牲司大

使副使各一人

後革  
副使

司牧局大使一人

嘉靖九  
年革

銀庫



大使一人

卿掌祭享燕勞酒醴膳羞之事率少卿寺丞官屬辨  
其名數會其出入量其豐約以聽於禮部凡祭祀同  
太常省牲天子親祭進飲福受胙薦新循月令獻其  
品物喪葬供奠饌所用牲果菜物取諸上林苑不給  
市諸民間視時估十加一其市直季支天財庫四方  
貢獻果鮮厨料省納惟謹器皿移工部及募工兼作  
之歲省其成敗凡筵宴酒食及外使降人具差其等

而供給焉傳奉宣索籍記而覆奏之監以科道官一人察其出入糾禁其奸弊歲四月至九月凡御用物及祭祀之品皆用冰

大官供祭品官膳節令筵席番使宴犒之事珍羞供官膳肴核之事良醞供酒醴之事掌醢供餚油醢醬梅鹽之事司牲養牲視其肥瘠而蠲滌之司牧亦如之

初吳元年置宣徽院設院使同知院判典簿以尚食

尚醴二局隸之

局設大使副使

洪武元年改為光祿寺設卿

少卿寺丞主簿所屬尚食等局又移太常司供需庫

隸之二年設直長四人遇百官賜食御前者則令供

事四年置法酒庫

內設酒坊大使副使

八年改寺為司以寺丞

為司正主簿為典簿增設錄事又增所屬大官珍羞

良醢掌醢四署每署令丞監事一人孳牧所大使副

使各一人尋罷各局庫置司牲司又改孳牧所為司

牧司

後為司牧局

三十年復改為光祿寺定置官如前建

文中增設司園所改司牲司為孳牲所成祖復舊制

正統六年裁四署冗員

先是光祿卿奈亨以供應事繁奏增各署官至是復奏裁

之裁署正四人署丞五人監事七人

嘉靖七年革司牧局萬歷二年設

銀庫大使一人

南京光祿寺卿少卿典簿各一人

其屬大官珍羞良醢掌醢四署各署正一人署丞一

人嘉靖中革良醢掌醢二署署丞隆慶四年革少卿

萬歷中革珍羞署丞

衛尉卿

臣等謹按馬端臨考衛尉卿列於光祿卿之次其  
官有卿有丞其屬有主簿有武庫守宮各署及公  
車司馬令今考宋有衛尉寺已詳前考南渡後廢  
寺併入工部遼亦有衛尉寺未詳所掌金之衛尉  
及衛尉司並掌中宮之事與唐以前相近而畧有  
不同元世祖至元二十年改太僕院為衛尉院以  
武備監隸焉二十四年罷院仍立太僕寺設官之

意與金制迥殊今以金之衛尉入兩宮官屬元則分見於太僕寺及軍器監名同而實異亦各從其類也遼固未詳職掌明并不設此官故不專立衛

尉卿門

宗正寺

宋宗正寺官有卿掌敘宗派屬籍以別昭穆而定其親疎少卿為之貳丞參領之

凡修纂牒譜圖籍其別有五曰玉牒以編年之體敘

帝系而記其歷數凡政令賞罰封域戶口豐凶祥瑞之事載焉曰屬籍序同姓之親而第其服紀之戚疎遠近曰宗藩慶系錄辨譜系之所自出序其子孫而列其名位品秩曰仙源積慶圖考定世次支分派別而系以本宗曰仙源類譜序男女宗婦族姓婚姻及官爵遷敘而考其功罪生死凡錄以一歲圖以三歲牒譜籍以十歲修纂以進

餘詳馬端臨考

遼大特哩衮司掌皇族之政教官有特哩衮

亦曰德爾吉

知

特哩衮司特哩衮司事

二院皇族治之以北南二王四帳皇族治之以大內

特哩衮

詳官制  
總門

大祖二年正月始置特哩衮典族屬以皇弟薩喇為之  
百官志曰太祖有國首設此官其後百官擇人必  
先宗姓興宗重慶二十二年耶律義先拜特哩衮  
戒族人曰國家三父房最為貴族天下風化之所  
自出不孝不義雖小不可為其妻晉國長公主之



女每見中表必具禮服義先以身率先國族化之  
遼國設官之實於此可見

北南二大王院分掌部族軍民之政

北面大內特哩袞司掌皇族四帳之政教官有大內特  
哩袞知大內特哩袞大內特哩袞都監

又有大橫帳詳袞司掌太祖後九帳皇族之事官有

橫帳詳袞

亦曰橫帳  
敬穩

橫帳太師橫帳太保橫帳司空橫

帳郎君橫帳知事孟父族帳詳袞司掌蜀國王巖木

房族之事仲父族帳詳衮司掌隋國王舒魯房族之事季父族帳詳衮司掌德祖三房族之事

又有四帳都詳衮司掌四帳軍馬之事官有都詳衮

都監將軍

本名  
敬史

小將軍橫帳詳衮司孟父帳詳衮司

仲父帳詳衮司季父帳詳衮司

又有錫里司掌皇族之軍政官有錫里詳衮錫里都

監錫里將軍錫里小將軍錫里美楞

南面宗正寺有卿少卿丞主簿

職在大特哩衮司

金太宗正府掌敦睦糾率宗屬欽奉王命判太宗正事

以皇族中屬親者充

同判太宗正事同簽大宗正事

宗室充

各一人

大宗正丞二人

一人於宗室中選能幹者充一人不限親疎分司上京長貳兼管治臨潢以東

六司屬

知事一人又有檢法

所屬諸宗室將軍上京東溫武二處皆有之世宗時

始命遷官其戶凡百二十章宗明昌二年更名曰司

屬設令丞承安二年以令同隨朝司中都上京札里

昭合右西南瑪展寨扶餘臨潢泰州金山等處置屬  
大宗正府

泰和六年因避睿宗諱改大宗正府為大睦親府凡  
大宗正府官俱改大睦親之名

元大宗正府札爾古齊四十二人郎中員外郎都事各  
二人承發架閣庫管勾一人司獄二人

國初未有官制首置斷事官曰札爾古齊會決庶務  
凡諸王駙馬投下蒙古色目人等所犯一切公事及

漢人姦盜詐偽蠱毒魘魅誘掠逃驅輕重罪囚及邊  
遠出征官吏每歲從駕分司上都存留住冬諸事悉  
掌之至元二年置十人三年置八人止理蒙古公事  
以諸王為府長餘悉御位下及諸王有國封者又有  
怯薛人員奉旨署事別無領受宣命十四年置十四  
人十五年置十三人二十一年置二十一人二十二  
年增至三十四人二十八年增至四十六人大德四  
年省五人十一年四十一人仁宗皇慶元年省二人

以漢人刑名歸刑部泰定帝泰定元年復命兼理定  
置官如前致和元年以上都大都所屬蒙古人并怯  
薛軍站色目與漢人相犯者歸宗正府處斷其餘路  
府州縣漢人蒙古色目詞訟悉歸有司刑部掌管

百官志曰順帝至元元年閏十二月中書省奏准  
世祖時立大宗正府仁宗時減去大字今宜遵世  
祖舊制仍為大宗正府至正十年十二月大宗正  
府添設掌判二人

明宗人府掌皇九族之屬以時修其玉牒書宗室子女  
適庶名封嗣襲生卒婚嫁諡葬之事凡宗室陳請為聞  
於上達材能錄罪過有宗人令左右宗正左右宗人各  
一人

其屬經歷司經歷一人典出納文移

初洪武三年置大宗正院二十二年改為宗人府并

以親王領之

秦王棖為令晉王桐燕王棖為左右  
宗正周王橚楚王楨為左右宗人

其

後以勲戚大臣攝府事不備官而所領亦盡移之禮

部

春明夢餘錄曰周禮少宗伯掌三族三別以辨其親疎此宗人立官之始後世因之置宗正然列於九寺之中至明特立宗人府於六部之上

南京宗人府經歷司經歷一人

臣等謹按馬端臨考宗正寺後附載玉牒所考春明夢餘錄玉牒始於宋大中祥符明之玉牒至嘉靖中重修其總圖倣古史世表之法以橫格分代



數列書其名氏而各派所出之子孫則遞書於各派之下仍餘下方以俟續書其圖以帝系為統有雖繫長出而在藩封及國初加封為王者俱不以加書於帝系之前有長出而殤追授封號者雖冊內載之不以列於圖蓋從禮部之議也然宋之玉牒置官為太宗淳化六年實倣唐制非始于真宗之大中祥符也

太僕寺

宋太僕寺國有大禮供其輦輅屬車前期戒有司教閱  
象馬凡儀仗既陳則巡視其行列后妃親王公主執政  
官應給車乘者視品秩而頒之總國之馬政籍京都坊  
監畿甸牧地畜馬之數謹其飼養察其治療考蕃息損  
耗之實而定其賞罰馬死則斂其駿尾筋革入於官府  
凡閱馬差次其高下應給賜則如格歲終鈎覆帳籍以  
上駕部

若有事於南北郊侍中請降輿升輅則卿授綏

餘詳馬端

臨考

遼北面羣牧官

諸路羣牧使司官有太保侍中叡史總典羣牧使司  
官有總典羣牧部籍使羣牧都林牙西路羣牧使司  
倒塌嶺西路羣牧使司渾河北馬羣司漠南馬羣司  
漠北滑水馬羣司牛羣司官各有羣牧使副使

又諸廐官

尚廐官有尚廐使副使飛龍院官有飛龍使副使總

領內外廐馬局官有總領內外廐馬

南面太僕寺官有卿少卿丞主簿

有乘黃署

金諸羣牧所

國言謂烏爾固

提控諸烏爾固一人

明昌四年置

使副

使各一人掌檢校羣牧畜養蕃息之事判官一人掌簽

判本所事知法一人

又設鑠衮圖依達分掌諸畜所謂牛馬羣子也

惟班第音

烏濟騰布希羣牧依此置

臣等謹按百官志雖無太僕之名而諸羣牧所實

其職也又王圻續通考載典牧司

貞祐時置

圍牧司

興定

二年置

各有使副使判官提舉圍牧所

泰定三年置

隸各

路統軍司河南東路河南西路陝西路皆設提舉

同提舉山東路止設提舉不見於正史今附錄之

元太僕寺掌阿克塔斯馬匹受給造作鞍轡之事卿少

卿丞各一人

又經歷知事照磨管勾各一人

中統四年設羣牧所至元十六年改尚牧監十九年

又改太僕院二十年改衛尉院二十四年罷院立太僕寺又別置尚乘寺以管鞍轡而本寺止管阿克塔斯馬匹二十五年隸中書置提調官二人大德十一年復改太僕院至大四年仍為寺定置官如前

尚乘寺掌上御鞍轡輿輦阿克塔斯羣牧驕馬驢騾及領隨路局院鞍轡等造作收支行省歲送鞍轡理四集賽阿都齊詞訟起取南北遠方馬匹等事卿四人少卿丞各二人又經歷知事照磨管勾各一人

至元二十四年罷衛尉院始設尚乘寺領資乘庫大德十一年升為院至大十四年復為寺

所屬資乘庫掌收支鞍轡等物提點四人大使三人副使四人至元十三年置二十年隸衛尉二十四年隸尚乘寺

臣等謹按百官志又有典牧監屬儲政院羣牧監屬徽政院雖所掌似屬太僕而詳于宮屬之官茲不載

明太僕寺卿一人少卿二人

正德十一年增設一人

寺丞四人

其屬主簿廳主簿一人常盈庫大使一人所轄各牧

監監正監副錄事各羣羣長俱各一人

後俱革

卿掌馬牧之政令以聽於兵部少卿佐寺事一人督

營馬一人督畿馬寺丞分理京內及山東河南六郡

孳牧寄牧馬匹

濟南兗州東昌開封彰德衛輝

凡軍民孳牧視其丁

產授之種馬壯十之二牝十之八為一羣

南方以四牝一壯為

一歲徵其駒曰備用馬齊其力以給將士將士足則



寄牧於畿內府州縣肥瘠登耗籍其毛齒而時閱之  
三歲偕御史一人印烙選其健良汰其羸劣其草場  
已墾成田者歲斂其租金災祲則出之以佐市馬其  
賠償折納則徵馬輸兵部主簿典勾省文移大使典  
貯庫馬金

洪武四年置羣牧監於達勒達錫里營所隨水草利  
便立官署專司牧養六年更置羣牧監於滁州旋改  
為太僕寺設卿少卿寺丞又設首領官知事主簿各一

人七年增設羣牧監官二十七處隸太僕寺十年增置滁陽等各牧監及所屬各羣改牧監令丞為監正監副二十二年定滁陽等十二牧監每監設監正一人監副二人錄事一人來安等一百二十七羣每羣設羣長一人

初設羣副二人至是革

二十三年增置江東當塗

二牧監及所屬各羣又罷烏衣等五十四羣改置永

安等七羣定為牧監十四

滁陽大興香泉儀真定遠天長長淮江都句容溧陽

江東溧水當塗舒城

羣九十有七

大勝關柏子騶興保寧草堂五羣隸滁陽監永安如臯沿

海保全朝陽永昌安定七羣隸大興監大錢銅城永  
豐龍勝龍山永寧新安慶安襄安九羣隸香泉監華  
陽壽寧廣陵善應四羣隸儀真監龍江龍安萬勝龍  
泉四羣隸定遠監天長懷德招信得勝武安五羣隸  
天長監長安白石荆山南山圍山草平六羣隸長淮  
監萬寧廣生萬驥順德大興驥寧崇德七羣隸江都  
監句容易風仍信福祚通德承仙上容政仁鍊塘壽  
安十羣隸句容監舉福從山明義永定福賢崇來永  
城永泰奉安九羣隸溧陽監開寧泉永惟政清化神  
泉新亭長泰光澤八羣隸江東監儀鳳仙壇五信歸  
政豐慶安興遊山永寧八羣隸溧水監石城永保化  
洽姑熟繁昌多福升陽德政八羣隸當塗監襄林海  
亭伏龍龍河會龍九龍  
萬龍七羣隸舒城監

二十八年悉罷牧羣監以其

馬隸有司牧養三十年置行太僕寺於北平建文中

又改其首領官職名增設錄事及典廐典牧二署驎  
驥等十八羣滁陽等八牧監龍山等九十二羣成祖  
復舊制永樂元年改北平行太僕寺為北京行太僕  
寺十八年定都北京遂以行太僕寺為太僕寺洪熙  
元年復稱北京行太僕寺正統六年定為太僕寺其  
舊在滁州者改為南京太僕寺

寺丞初置四人正統中又增八人共十二

人以一人領京衛一人領順德廣平二府一人領開  
封衛輝彰德三府九人分領順天保定真定河間永  
平大名濟南兗州東昌九府華牧寄牧各馬匹弘治  
六年革四人正德九年復增一人專領寄牧之事嘉

靖八年又革三人共六人分領三年更代而以寄牧者令府州縣兼理隆慶三年又革三人止設三人以一人提督庫藏兼協理京邊二人分理東西二路各馬政

南京太僕寺卿一人少卿寺丞各二人主簿一人

隆慶時革少卿寺丞各一人

行太僕寺卿少卿各一人寺丞

無定員

主簿一人

寺掌各邊衛所營堡之馬政以聽於兵部凡騎參馬匹印烙表散課掌孳牧以時督察之歲春秋閱視其增耗齒色三歲一稽比布按二司不得與有瘠損則

聽兵部參罰苑馬寺亦如之

洪武三十年置行太僕寺於山西北平陝西甘肅遼東其山西北平陝西每寺設少卿一人丞三人甘肅遼東每寺設少卿丞各一人擇致仕指揮千百戶為之永樂四年許令寺官按治所轄衛所鎮撫首領官吏十八年以北京行太僕寺為太僕寺宣德七年發雜犯死罪應充軍者於陝西行太僕寺養馬弘治十年簡推素有才望者補本寺官視太僕寺官升擢嘉

靖三年從御史陳講請增設陝西甘肅二寺各少卿  
一人分管延綏寧夏二十九年令寺官遇聖節輪年  
齎進表文

苑馬寺卿少卿各一人寺丞

無定員

其屬主簿各牧監監正監副各一人錄事一人各苑  
圍長一人

所掌六監二十四苑之馬政而聽於兵部凡苑視廣  
狹為三等上苑牧馬萬匹中苑七千下苑四千凡牧

草場曰荒地曰熟地嚴禁令而封表之凡牧人曰恩  
軍曰隊軍曰改編之軍曰充發之軍曰召募之軍曰  
抽選之軍皆籍而食之凡馬駒歲籍其監苑之數上  
於兵部以聽考課監正監副掌監苑之牧事圉長帥  
羣長而阜蕃馬匹

永樂四年置苑馬寺凡四北直隸遼東平涼甘肅五  
年增設北直隸苑馬寺六監二十四苑

順義長春咸  
和馴良四苑

隸清河盛水州隆萃大牧遂寧隸金臺監沂池鹿鳴  
龍河長興隸涿鹿監遼陽龍山萬安蕃昌隸盧龍監



清流廣蓄龍泉松林隸香山監  
河陽崇義興寧永成隸通州監  
六年增甘肅平涼二

寺監

每寺各六監  
二十四苑

十八年革北京苑馬寺併入太僕

正統四年革甘肅苑馬寺改牧恩軍於黑水口隸長  
樂監弘治二年革平涼寺丞一人十七年都御史楊  
一清奏請行太僕苑馬二寺員缺簡選才望參政副  
使補升卿參議僉事補升少卿以振馬政十八年又  
請添設寺員嘉靖三十二年以遼東寺卿張思兼轄  
金復蓋州三衛軍民四十二年又命帶理兵備事

大理寺

元經正  
監附

宋南渡後併省官寺惟大理寺不併

高宗紹興初詔正與丞並堂除評事闕則委本寺長  
貳選擇應格人赴刑部議定申朝廷差填如無應格  
即選諳習刑法人權充又立比較法以懲差失孝宗  
隆熙二年評事鞏衍言評事最為勞苦詔增置以八  
員為額淳熙末嚴寺官出謁之禁以防請託漏泄之  
弊光宗紹熙初除試中刑法評事八員外司直主簿

選用有出身曾歷任人各兼評事繫銜將八評事已  
擬斷文字分兩廳點檢或有未安則述所見與長貳  
商量寧宗慶元四年定逐季仲月定日斷絕之法嘉  
定八年申嚴紹興指揮重司直主簿之選增選試取

人數以勸法科

餘詳馬  
端臨考

遼南面大理寺官有卿少卿丞主簿又有提點大理寺

有大理寺正

聖宗統和  
十二年置

金大理寺審斷天下奏案詳讞疑獄官有卿少卿正丞

又司直四人掌參議疑獄披詳法狀

舊有契丹司直一人明昌二年置

評事三人掌同司直

明昌二年有契丹評事二人大安二年省漢人一人

知法十

一人

女直司五人漢人司六人

掌檢斷刑名事明法二人同流外

宣宗

興定二年置四年罷之

海陵天德二年置自少卿至評事漢人通設六人女

直契丹各四人

元大理寺先為都護府掌領舊州城及輝和爾之居漢地者有詞訟則聽之大都護四人同知副都護各二人

又經歷都事照磨兼承發架閣庫管勾各一人

至元十一年初置輝和爾斷事官十七年改領北庭都護府置官十二人二十年改為大理寺二十二年復為大都護延祐七年定置官如上

臣等謹按百官志有經正監掌營盤巴納

遼史四時各有

行在之所謂之巴納見營衛志

及標撥投下草地有詞訟則治之

至大四年置大卿一人太監少監並努圖克齊為之監丞流官為之各二人經歷知事各一人考前

後史皆不見而所職掌屬詞訟事附載於此

明大理寺掌審讞平反刑獄之政令官有卿左右少卿左右寺丞各一人

其屬司務廳司務二人左右二寺各寺正一人掌分

理京畿十三布政司刑名之事寺副二人

後革右寺副一人

評事四人

初設右評事八人後革四人

凡刑部都察院五軍斷事官所推問訟獄皆移案牘引囚徒詣寺詳讞左右寺寺正各隨其所轄而覆審

之既按律例必復問其款狀情允罪服始呈堂准擬具奏不則駁令改擬曰照駁三擬不當則糾問官曰參駁有牾律失入者調他司再訊曰番異猶不愜則請下九卿會訊曰圓審已平允而招由未明移再訊曰追駁屢駁不合則請旨發落曰制決凡獄既具未經本寺評允諸司毋得發遣誤則糾之

初吳元年置大理司卿洪武元年革三年置磨勘司凡諸司刑名錢糧有寃濫隱匿者稽其功過以聞尋

亦革十四年復置大理寺卿左右少卿左右寺丞其屬左右寺正各一人寺副各二人左評事四人右評事八人又置審刑司共平庶獄凡大理寺所理之刑審刑司復詳議之

審刑司設左右審刑各一人左右詳議各三人

十七年改

建刑部都察院大理寺審刑司五軍斷事官署於太平門外名其所曰貫城十九年罷審刑司二十二年復少卿二人丞三人其左右寺官如故二十九年又罷盡移案牘於後湖建文初復置改左右寺為司寺



正為都評事副為副都評事司務為都典簿

司務洪武

二十六  
年置

成祖初仍置大理寺其左右寺設官復如洪

武時又因左右二寺評事多寡不等所治事亦繁簡

不均以二寺評事分左右各六人如刑部都察院十

二司道各帶管直隸地方審錄

初太祖設左評事四人分  
管在京諸司及

直隸衛所府州縣刑名右評事八人分  
管在外十二布政司都司衛所府州縣刑名

永樂二年

仍復舊後定都北京又改分寺屬

兩京五府六部京  
衛等衙門刑名屬

左寺順天應天二府南北直隸衛所府州縣并  
在外浙江等布政司都司衛所刑名屬右寺

弘治

元年裁減右評事四人

時天下罪囚類不解  
雷右寺事簡于左寺

萬厯九

年更定左右寺分理天下刑獄浙江福建山東廣東  
四川貴州六司道左寺理之江西陝西河南山西湖  
廣廣西雲南七司道右寺理之以能按律出入罪者  
為稱職司務典出納文移

臣等謹按大學衍義補謂刑部都察院大理寺主  
執法又謂之三法司大理之設則自兩法司所聽  
斷寃者疑者情輕重者皆得據律參駁必求之當

然後月報歲聞請施行之其職固重且要也然考  
明史三法司會審初審刑部都察院為主覆審本  
寺為主初猶具刑具牢獄弘治以後止閱案卷囚  
徒俱不到寺矣

南京大理寺卿右寺丞司務左右寺正各一人左右評  
事各三人

隆慶三年革左  
右評事各一人

### 鴻臚寺

遼南面鴻臚寺官有卿少卿寺丞主簿

金侍儀司

舊名擊執局世宗大定元年改為侍儀局五年升局為司

官有令

舊曰掌局使

侍奉朝儀率捧案擊執奉輦各給其事又有直掌

舊設局副

又有閤門使東西正副各二人簽事一人掌贊導殿

庭禮儀閤門祇候二十五人通事舍人二人掌通班

贊唱承奉勞問之事承奉班都知掌總率本班承奉

之事

舊置判官後罷

內承奉班押班掌總率本班承奉之事

御院通進四人掌諸進獻禮物及薦享編次位序

以上

俱屬宣

徽院

臣等謹按王圻續通考謂金以鴻臚寺分屬宣徽院客省引進閤門諸使今考金史百官志宣徽院有侍儀司閤門使其職固類於鴻臚若客省引進則自有專司不得混於鴻臚也

元侍儀司隸禮部

已見禮部門

臣等謹按王圻續通考謂元以禮部會同館掌接伴引見諸番蠻夷峒夷之來朝貢者以通政院廩給司掌諸王諸番各省四方邊遠使客飲食俱給

等事即為鴻臚之職今考元史百官志亦有侍儀司其職同於鴻臚且明制鴻臚寺亦先為侍儀司固可參觀不得如圻所云即以會同館并廩給司當之也

明鴻臚寺掌朝會賓客吉凶儀禮之事官有卿左右少卿左右寺丞各一人其屬主簿廳主簿司儀司賓二署署丞各一人鳴贊四人序班五十人

凡國家大典禮郊廟祭祀朝會宴饗經筵冊封進歷

進春傳制奏捷各供其事外吏朝覲諸番入貢與夫  
百官使臣之復命謝恩若見若辭者並鴻臚引奏歲  
正旦上元重午重九長至賜緞賜宴四月賜字扇壽  
縷十一月賜帶煖耳陪祀畢頒胙賜皆贊百官行禮  
司儀典陳設引奏外吏來朝必先演儀於寺司賓典  
外國朝貢之使辨其等而教其拜跪儀節鳴贊典贊  
儀禮凡內贊通贊對贊接贊傳贊咸職之序班典侍  
班齊班糾儀及傳贊

吳元年置侍儀司洪武四年定侍儀使引進使奉班  
都知通贊通事舍人九年改為殿庭禮儀司設使一  
人副三人承奉一人鳴贊二人序班十六人九關通  
事使一人副六人十三年改使為司正分左右司副  
各一人增序班至四十四人革承奉增設司儀四人  
二十二年增設左右司丞四人三十年始改為鴻臚  
寺設官六十二員又設外夷通事隸焉建文中罷司  
儀司賓二署而以行人隸鴻臚寺成祖初悉復舊制



南京鴻臚寺卿主簿司儀司賓二署署丞各一人鳴贊  
四人序班九人

司農寺

宋司農寺官卿少卿丞主簿各一人

馬端臨考未詳員數茲據職官志補

遼南面司農寺官有卿少卿寺丞主簿

金司農司掌勸課天下力田之事有使副使各一人

先是有勸農使司泰和八年罷貞祐間復置興定六年罷勸農司改立司農司設官如上又置兼採訪八

事大司農一人卿少卿各三人知事二人

行司農司興定六年陝西并河南三路置設官五人哀宗正大元年歸德許州河南陝西各置使三人卿少卿丞各一人

卿以下迭出巡按察官吏臧否而升黜之使節所過  
姦吏屏息十年之間民政修舉實賴其力

元大司農司掌凡農桑水利學校饑荒之事官有大司農四人  
大司農卿少卿大司農丞各二人又經歷一人

都事二人架閣庫管勾照磨各一人

至元七年始立置官五人十四年罷以按察司兼領  
勸農事十八年改立農政院置官六人二十年又改  
立務農司置達魯噶齊務農使各一人同知二人是  
年又改司農寺達魯噶齊一人司農卿二人司丞一  
人二十三年仍為大司農司大德元年增領大司農  
事一人皇慶二年增大司農一人定置官如上

所屬藉田署掌耕種藉田以奉宗廟祭祀署令署丞

各一人

至元七年始立隸大司農十四年罷司農隸太常二十三年復立大司農司仍隸焉

供膳司掌供給應需貨買百色生料置達魯噶齊提

點司令丞各一人

至元二十二年始置隸司農

其所屬三

庫掌

規運息錢以給供需大使副使各一人

興中州等

處油戶提領所歲辦油十萬斤以供內庖提領大使

副使各一人至元二十九年始置蔚州麵戶提領

所掌辦白麵葱菜以給應辦歲給十餘萬斤提領副

使各

一人

永平屯田總管府達魯噶齊總管同知知事

各一人

至元十四年始立於永平路南馬城縣以北京採木三千人隸之

所轄三

呂國濟民豐瞻三署各置署令署丞直長各一人

分司農司至正十三年正月命中書左右丞兼大司農卿給分司農司印西自西山南至保定河間北至檀順州東至遷民鎮

凡係官地及原管各處屯田悉從分司農司立法募

民佃種之

互見田賦門

大兵司農至正十五年詔有水田去處置大兵農司招誘夫丁有事則乘機招討無事則栽植播種

所置司之處曰保定等處曰河間等處曰武清等處

曰景蓊等處其屬有兵農千戶所共二十四處百戶所共四十八處鎮撫司各一


大都督兵司農至正十九年二月置於西京以博囉特穆爾領之從其所請也仍置分司十道專掌屯種之事團練安撫勸農使司至正十八年九月增置

奉元延安等處則置於耀州鞏昌等處則置於邠州以行省丞相托克托行臺大夫鄂勒哲特穆爾領之設參謀一人每道置使同知副使各二人檢督六人

經歷知事照磨各一人

明司農司官有卿少卿丞庸田署令典簿司計

吳元年置洪武元年罷三年後置開治所於河南設  
卿一人少卿二人丞四人主簿錄事各二人四年又  
罷不隸戶部



欽定續文獻通考卷五十五